

---

**Ordinaziun davart la concessiun da garantias solidaricas en il chantun Grischun pervia dal coronavirus (Ordinaziun chantunala davart las garantias solidaricas COVID-19)**

Dals 27-03-2020

---

Relaschs tangads da questa fatschenta (numers dal DG)

Nov: –  
Midà: –  
Aboli: –

---

Sa basond sin l'art. 48 da la Constituziun chantunala

relaschada da la Regenza ils 27 da mars 2020

**I.**

**Art. 1** Intent

<sup>1</sup> Questa ordinaziun regla la concessiun da garantias solidaricas per credits bancars a favur d'interpresas cun sedia en il chantun Grischun per cumplettar las mesiras federalas tenor l'Ordinaziun davart la concessiun da credits e da garantias solidaricas pervia dal coronavirus (Ordinaziun davart las garantias solidaricas COVID-19).

**Art. 2** Premissas

<sup>1</sup> Il chantun conceda garantias solidaricas supplementaras, sch'ina organisaziun da garanzia ha concedi ina garanzia solidarica sa basond sin l'Ordinaziun davart las garantias solidaricas COVID-19.

<sup>2</sup> Las ulteriuras premissas da l'Ordinaziun davart las garantias solidaricas COVID-19 valan conform al senn.

<sup>3</sup> Las garantias solidaricas dal chantun èn subsidiaras a quellas tenor il dretg federal.

---

**Art. 3**            Dimensiun da la garanzia solidarica

<sup>1</sup> La garanzia solidarica è limitada a maximalmain 15 pertschient dal retgav decisiv da la svieuta ed a 5 milliuns francs en il cas singul.

<sup>2</sup> Las garantzias solidaricas tenor l'Ordinaziun davart las garantzias solidaricas COVID-19 e quellas tenor questa ordinaziun na dastgan – ensemen – betg surpassar tut en tut 25 pertschient dal retgav decisiv da la svieuta.

**Art. 4**            Durada da la garanzia solidarica

<sup>1</sup> La durata da las garantzias solidaricas tenor questa ordinaziun sa drizza tenor la durata da las garantzias solidaricas tenor l'Ordinaziun davart las garantzias solidaricas COVID-19.

**Art. 5**            Credit general da garanzia

<sup>1</sup> Per las mesiras tenor questa ordinaziun conceda il chantun in credit general da garanzia dad 80 milliuns francs.

**II.**

Naginas midadas en auters relaschs.

**III.**

Naginas aboliziuns d'auters relaschs.

**IV.**

Questa ordinaziun entra en vigur ils 31 da mars 2020 e vala fin ils 30 da settember 2020.